

摘藻堂四庫全書薈要

集部

欽定四庫全書薈要卷一萬四千四百八十三

集部

宛陵集卷四十三

宋 梅堯臣 撰

依韻和郭祥正秘校遇雨宿昭亭見懷

君乘瘦馬來骨竦毛何長下馬與我語滿屋聲琅琅一  
誦廬山高萬景不得藏出沒望林寺遠近數鳥行鬼神  
露怪變天地無炎涼設令古畫師極意未能詳誦說冒  
雨去夜宿昭亭傍明朝有使至寄多驚俗章

郭來誦歐陽永叔廬

山高送

劉復

采石月贈郭功甫

采石月下閑謫僊夜披錦袍坐釣船醉中愛月江底懸  
以手弄月身翩然不應暴落饑蛟涎便當騎魚上青天  
青山有家人謾傳却來人間知幾年在昔熟識汾陽王  
納官貫死義難忘今觀郭裔奇俊郎眉目真似攻文章  
死生往復猶康莊樹穴探環知姓羊

依韻和郭秘校苦寒

噫風鳴悲鳶鳴哀雨霰枯木為之摧昭亭山頭野火滅  
海水夜凍迷蓬萊燭籠以爪自掩耳酒盞生冰拈不起  
陶潛棄官屋無米兒豪妻啼付隣里

依韻和郭秘校昭亭山偶作

知君棄官後江上尋名山心既慣世內迹欲還人間昭  
亭忽來過覽古興長歎野寺拂塵壁丹陽已爛煇殿角  
虛寶鐸微風聲珊珊遺像與筆蹟始得觀裴顏淺井何  
泠泠前溪何潺潺幽幽隨猿鳥渾渾忘區寰裂裳不為

媿餌芝不為難坐對寒雨中松上孤鶴還

送郭功甫還青山

來何遲遲去何勇羸馬寒僮肩竦竦昨日棄為梅福官  
扁舟早勝大夫種負經不厭關山遙訪我猶將歲月恐  
得言會意若秋鷹反翅歸飛輕飽翫明朝到家年始開  
椒花壽酒期親捧何當交臂須強行莫作區區事丘壠

送鄧生

哀哀彼鄧子扶柩歸長沙朝暮哭失聲驚聒牆上鴉飛

去復飛還相與棲水涯卜葬不當緩早晚能到家

送才上人還雪竇寄達觀禪師

春雪滿蓑笠海邊先驚歸千林新改葉百衲舊來衣谿  
水從何至山雲自解飛報言巖下客齋鉢苟應肥

樂掾自淮南迴示新詩

淮南歷覽還宣城囊多嘉句何冰清入門先叫十年兄  
袖中大卷持來評我雖暗愚眼不盲要識合如劉長卿  
舉頭不言笑且驚此兄議論頗稱情我亦感君知我名

阮籍從呼作老兵

蘇州曹琰虞部浩然堂

姑蘇臺上麋鹿嘯夫差城中樓觀高荒榛盡已付明月  
萬古憤怒空秋濤吳亡越霸能幾日後世擾擾猶鴻毛  
孟軻善養浩然氣充塞天地無饑饉暮而為堂亦有意  
不學屈子成離騷

紅梅篇

昨夜輕雷起風雨芍藥紅牙竹欄土南庭梅花如杏花

東家殘朱塗頰萼為裳衣藥為組枝為高居榦為戶  
蛺蝶未生蜂未來赤身掩斂無金縷終然有子當助傳  
說羹落亦不學飛燕皇后迴風舞此意又笑麻姑與王  
母勾引何人擗麟脯是非方朔謾漢武只知此桃不知  
語樹不着口數而今言之已莫補放我渾丹鳳皇羽

依韻和吳正仲聞重梅已開見招

難開密葉不因寒誰翦鶯兒短羽攢猶是去年驚目艷  
不知從此幾人觀重重好藥重重惜日日攀枝日日殘



我為病衰方止酒願攜茶具作清歡

寄送吳公明屯田通判秦州

一聞春禽婆餅焦竹林山木生蕭條憶君將向洛門去  
胡馬無塵塞路遙將軍本是漢丞相玉帳坐辨牙旗梟  
白面書生有肝膽少年曾過咸陽橋今雖老病由廬巷  
為報緩制秦兵驕

吳正仲求紅梅接頭

君家梅溪上但見梅花白我家家樹紅求枝寄歸客翦

枝如交情本末不相隔明年舉酒時醉顏生微赤

初聞蛙

朝開南籬梅暮聞北池蛙何時科斗生草根已吐牙只  
畏草葉長其下可隱虵游子且勿行科斗成蝦蟇

百舌

一冬常噤默乘春何多舌蒼毛無文章尖喙苦騰說曉  
升高高樹百鳥言漏泄只未聞鳳皇有亦學不徹傷哉  
古辯士往往遭車裂

萬表臣報山傍有重梅花葉又繁諸君往觀之

前時見多葉曾何數尋常今見葉又多移賞南澗陽寄  
言莫苦恃更多殊未央

去臘隱靜山僧寄榷榭子十二本栢樹子十四本  
種於新墳

栢栢移皆活風霜不變青冢垣雖閒寂田客每丁寧不  
待為書几常留作鬼庭東邊夾路少更致儻能令

補題東都善惠師禪齋

香象紅蕖坐花盆白石臺上公金印去王子玉駒來心  
是寒鉶水明無寶鏡埃世人何擾擾時為一言開

送萬殿丞虔州安遠軍

新雷動江雨百鳥響溪巖逆水送行客順風催挂帆過  
山唯廟敬團飯與鳥銜太守雖憐舊須防有嫉讒

野望

新晴宜野望最愛是山前遠近花兼竹高低水拍田呼  
名鳥無數問姓客多年此地春耕晚吳牛樹底眠

泛溪

中流清且平，捨楫任船行。  
漸近鷺猶立，已遙村覺橫。  
何妨綠樽滿，不畏晚風生。  
屈賈江潭上，愁多未適情。

春陰

雲壓花房冷，風開柳絮遲。  
幽人宿醒在，靜館晝眠時。  
欲雨天無雨，將絲鬢未絲。  
孔融過五十歲月已堪悲。

新鷺

前時春社畢，今日鷺來飛。  
將補舊巢缺，不嫌貧屋歸。  
銜

泥和草梗側翅過柴扉豈比驚丸雀迎人欲拂衣

梨花

處處梨花發看看鶯子歸園思前法部淚濕舊宮妃月  
白鞦韆地風吹蛺蝶衣強傾寒食酒漸老覺歡微

新筍

挑筍春雷後晴坡過雨時何言江外早已比洛陽遲園  
客自偷賣主人那得知徒令養新竹待與作藩籬

海棠

要識吳同蜀須看線海棠燕脂色欲滴紫蠟帶何長夜  
雨偏宜着春風一任狂當時杜子美吟徧獨相忘

二月七日吳正仲遺活蟹

年年收稻賣江蟹二月得從何處來滿腹紅膏肥似髓  
貯盤青殼大於盃定知有口能噓沫休信無心便畏雷  
幸與陸機還往熟每分吳味不嫌猜

老馬

馬御史  
所留

吳人惜燕駿燕馬臥吳家毛骨從前貴關山欲去賒草

深閒楚澤力盡憶胡沙御史乘來久時逢避路騶

自詠

閉戶無還往端居廢禮容花為貧富燄鶯是舊過從持  
屐對人蠟綻衣看婦縫非同叔夜傲切莫怪踈慵

鸚鵡

一入秦宮去千山隴樹秋能言依婦女學語類俳優玉  
鐐閒拘束金籠不自由哀良是黃鳥死為穆公羞

曉



烏蟾不出海天地無明時萬國睡未覺一聲鷄已知樹  
頭星漸沒枝上露應垂人世紛紛事勞勞只自為

朝二首

驚鴨出欄去兒童臨水驅欲開花泣露聚噪鳥窺廚秣  
馬刈青草買薪嫌五銖錢刀豈今古村叟一何愚

木鐸初開水上城竹籬深閉日光生青苔井畔雀兒鬪  
烏白樹頭鴉舅鳴世事但知開口笑俗情休要著心行  
是非不道任挑達唯憶當時阮步兵

宣州雜詩二十首

昭亭萬仞山古廟半山間  
賽雨使君去釣潭漁父閒  
巖向日竹暗壠連關北望  
高樓上南飛鳥自還

三洲灘口急兩水渡頭來  
下過

淵聖名

桓彝宅上通巖子

臺潺湲瀉寒月滉漾照春梅  
白鷺驚起處魚多見底迴  
一過響山畔常思路中丞  
開亭宴貔虎制賊象冰蠅舊  
刻多磨滅今人少有稱茸茸  
春草長時有牧牛登  
伍員奔吳日倉皇及水濱  
彎弓射楚使解劍與漁人拊

目觀亡國鞭尸失舊臣猶為夜濤怒來往百川頻

每見昭亭壁高璩筆墨存丹青虛格裏雲霧碧紗痕鳥  
屎常愁污蟲絲幾為捫貴來曾改觀世故有誰論

信讒多見逐伐國豈無仁屈子行江畔昭王問水濱包  
茅曾責貢香草自持紉莽蒼山川在漁歌屬野人

項籍路由此力豪聞拔山八千提楚卒百二破秦關垓  
下圍歌合江頭匹馬還却思諸父老相見亦何顏

細雨春岡滑無因駐馬蹄裘單懷後侶風急過前溪近

寺聞魚鼓穿林聽竹雞田家春正急炊飯待鋤犁  
古有琴高者騎魚上碧天小鱗隨水至三月滿江邊少  
婦自撈捥遠人無弃捐憑書不道薄賣取青蚨錢

諸葛久精妙已能聞國都紫毫搜老兔蒼鼠拔長鬚露  
筦何明淨煙丸事染濡班超投此去死作玉關夫

大實木瓜熟壓枝常畏風帖花先漏日噴露漸成紅青  
箬包山舍馳心奉漢宮誰將橐駝載辛苦向驕戎

竿頭注腐鼠水次野蜂知每視銜飛翅因薰劓取毘絳

囊千里道乾螭百鈞馳盡入公侯第雕盤助酒卮

高林似吳鴨滿樹蹠鋪鋪結子繁黃李炮仁瑩翠珠神  
農本草闕夏禹貢書無遂壓葡萄貴秋來徧上都

鳥命若楊葉夜棲雞翼間情知羽毛薄自禦雪霜難相

託為溫燠終非學附攀猶勝居鶻握憂懼得生還

柳子厚鶻

說云

高齋謝公歿此地即危樓不改窗中岫無停川上舟壁

陰緣薜荔城瞑笑鵲鷗萬井曉煙合素霓橫樹頭

北客多懷北庖羊舉玉卮吾鄉雖處遠佳味頗相宜沙  
水馬蹄驚雪天牛尾狸寄言京國下能有幾人知

五月黃梅肥終朝密雨微綠苔侵竹閣潤氣裛人衣背  
隴霑牛去銜蟲濕鷺歸高山發瀑水夜漲入吾扉

斫漆高崖畔千筒不一盈野糧收橡子山屋點松明只  
見樹堪種曾無田可耕兒孫何所樂向此是平生

傳道零陵守茲亭暫解裝分羣同鴈鷺幾日到瀟湘斑  
竹思虞舜蘋萍憶楚王殷勤吏部句今亦誦無忘

宛水過城下滔滔北去斜遠船來橘蔗深步上魚蝦鷺  
美冒椒葉蜜香聞稻花歲時風俗笑笑殺異鄉槎

打鴨

莫打鴨打鴨驚鴛鴦鴛鴦新自南池落不比孤洲老禿  
鷗禿鷗尚欲遠飛去何況鴛鴦羽翼長

暝

杳杳鐘初發昏昏戶閉時巢禽投樹盡疲馬入城遲醉  
唱眠邠屋燒光透槿籬荷鋤休帶月亭長豎毛眉

夜

日從東溟轉夜向西海沉羣物各已息衆星燦然森蝦  
蟬將食月魑魅爭出陰阮籍獨不寐徘徊起彈琴

東溪

行到東溪看水時坐臨孤嶼發船遲野鳬眠岸有閒意  
老樹著花無醜枝短短蒲葦齊似翦平平沙石淨於師  
情雖不厭住不得薄暮歸來車馬疲

呂大監餉鯿魚十尾



日暖揚花四散開  
江邊紫魚無數來  
伊魴洛水不堪憶  
丙穴漾陂何可咍  
賀監休思鏡湖去  
應知李白跨鯨迴

香鑪

李獻甫惠

鐵鑄小香鑪  
壁環平口鋪  
麝焚葵葉大  
獸齧竹根趺  
淨几羣書外  
閒堂一物無  
中間任灰燼  
終與蕙蘭俱

茶磨二首

楚匠斲山骨折檀  
為轉臍乾坤  
人力內日月  
蟻行迷吐雪  
誇春茗堆雲  
憶舊溪北歸  
唯此急藥臼  
不須擠

盆是荷花磨是蓮誰礱磨石洞中天欲將雀舌成雲末

三尺蠻童一臂旋

得自三天洞吳氏

送白珙秀才

谿上桃花發山前桂舸移水流過峽急風逆出江遲南  
國魚蝦厭東都夢寐思逢人若有問不似在朝時

送閻丘殿丞

每有西歸客誰無滿袖詩都忘將別意競媚向官資憑  
在屋頭月照君牆上旗不同山一定更遠更相隨

獻甫過

幾樹桃花夾竹開  
阮家閭巷長春苔  
啓扉索馬送客出  
忽覺青紅入眼來

宛陵集卷四十三

欽定四庫全書薈要卷一萬四千四百八十四

集部

宛陵集卷四十四

宋 梅堯臣 撰

寄維揚許待制

當時永叔在揚州中秋待月後池頭約公準擬與我敵  
是夜二雄張利矛我時小却避其銳風愁雨怛嫦娥羞  
主人持出紫石屏上有朧魄桂樹婆娑而枝虬作詩誇  
詫疑天公愛惜光彩向此收四坐稽顙歎辯敏文字響

亮如清球更後數日我北去相與送別城門樓誰知康  
成能飲酒一飲三百盃不休雞鳴各自便分散山光寺  
側停畫舟我來謁公公未起卧索大白須扶頭而今倏  
忽已八載公領府事我居憂歐陽始是玉堂客批章草  
詔傳星流問公可憶羊叔子雖在軍中常緩帶而輕裘  
寄聲千里能信不

紫薇亭

在池州

江雲如旗脚墨點飛鴈行平圃采芳菊上水酌桂漿為

言此何時杜子逢重陽醉思莊生達哂彼齊景傷至今  
孤亭間獨有九日章昔我來齊山山僧迎道傍騎馬到  
寺門亂石屹若牆值雨不徧歷但取山泉嘗牧之舊游  
處苔滑屐莫將却返弄水涯隔溪望青蒼絕頂見茅屋  
洪波日湯湯雲霞與鴈鷺還動秋客腸去逾十五年游  
宦韓陳梁哀哀遘禍殃乃再居南方欲往尚未可追吟  
寄支郎

聞臨淄公薨

至和癸巳十二月兮友人語我火犯房芒射鉤鈐而拂  
上相兮禍非弼臣誰可當昨日聞太宰悟天道而畏忌  
兮歸卧其第三拜章太宰既不得請而賜黃金百兩以  
為壽兮諫官御史猶擊強明年孟陬臨淄公薨兮果然  
邦國撓棟梁豈無神醫善藥以起疾兮固知稟命有短  
長公自十三歲而先帝兮謂肖九齡宜相唐後由石渠  
鳳閣禁林以登樞兮俄佩相印居廟堂出入藩輔留守  
兩都兮其民詠歌盈康莊官為喉舌勲爵一品兮經筵

講義尊蕭匡年踰耳順不為夭兮文字百卷存縑緗子  
孫洗洗同鴈行二女貴壻富與楊未知歸葬何土鄉臨  
川松栢安可忘我為故吏摧肝腸灑淚作雨春悲涼精  
魄其歸於天乎必為星宿還高張骨肌其歸於土乎必  
為蕙芷不滅香墓碑墓銘誰能盡其美我為欲傳萬古  
須歐陽

吳正仲遺二物詠之

金盞子

鍾傳令公謂  
之醒酒花



鍾令昔醒酒豫章留此花黃金盞何小白玉碗無瑕始  
入吳郎宅還歸楚客家從茲不能醉只恐賣流霞

疊石

十片寒湖滑千秋白浪根蒼蒼古崖色疊疊老苔痕欲  
象巨鼇頂俯當科斗盆唯愁作險說平地起崑崙

依韻和宣城張主簿見贈

韓子於文章所貴不相倣譬彼古今人同心不同貌吉  
從志久慕亦以重名教鳴鐘與享鼎易厭非苦樂祿仕

不及親揚名可為孝君方佐大邑美錦同翦鉸遂令吾  
鄉民網直無曲撓既暇乃作詩欲與前人較朝來忽有  
贈捧若管窺豹又如捕鯨魚空自持網罩心降醉且睡  
昏昏不知覺

送吳正仲娶倅歸梅谿待闕

山水東陽去未去朋親茗雪朝復朝更無越相逃名舸  
猶看吳王送女潮海燕歸齊聲滿屋谿梅開過子生條  
明年十月吏迎處七里灘前棹奏簫

再送正仲

擬君杜鵑花發當杜鵑時朱袍照白日光彩生路岐自  
比青鼠爪中心如亂絲絲亂復不理况復遠別離傾觴  
恨不深立馬恨不遲千山從此隔三歲或前期爾後各  
寄書空識滿紙辭非如笑言樂但有牽懷悲念昔蘇與  
李徘徊問何之

鐵獺

新買小  
馬也

朝乘鐵獺上青山最滑春苔亂石間出入白雲勝蠟屐

玉驄雖貴未應閒

送回上人

因往湖州  
謁吳正仲

雲出任西東飄然意莫窮山川生眼界巾舄徧區中去  
去曾無着勞勞本是空梅谿人可見重爾似泓公

送徐絳秘校罷涇尉而歸

去年茶熟君得補今來茶熟君已去心曾不計茶有無  
隼在高風自騰翥昨日我送吳侯歸未忍重臨離別處  
不若羣公憐禰衡相逐縱橫唯柳絮

志來上人寄示醑釀花并壓塲茶有感

京都三月醑釀開高架交垂自為洞素葉層層紫蕊香  
釀歸光祿春生甕東陌西池走鈿車芳林廣囿飛朱鞶  
二年不到大梁城江邊淚滴肝腸痛况茲齒髮漸衰老  
已是憂愁不如衆宣城北寺來上人獨有一叢盤嫩蘘  
去歲遊吳求不得今朝還喜自持送眼底雖同往日看  
樽前所憶皆成夢又置新茶采雨前烏觜壓塲雲色弄  
對花却酒煮香泉強詠才慙非白鳳

聞鶯

最好聲音最好聽似調歌舌更叮嚀  
高枝拋過低枝立  
金羽修眉墨染翎

杜鵑

蜀帝何年魄千春化杜鵑不如歸去語亦自古來傳月  
樹啼方急山房客未眠還將口中血滴向野花鮮

依韻和李察推留別

我學猶肥腴一食輒易厭君何以名虛每來車馬淹經

術素所淺道義安得漸獨有寒苦吟可與前古兼今者  
抱悲哀憔悴居窮閭愁鳴無好音亟別空顧瞻詩言留  
彼美欲和慙無鹽短兵當長戈馬得不盡殲又如握枯  
蒿逆風乘烈炎膏肓靡自療誰復望針砭

送李節推挈內歸寧池陽并李察推往南康軍嫁  
妹二君同行

江上雙畫舸風帆或先後晚共泊蘆洲欣同幕中友一  
過長風沙一住貴池口當時驄馬客今是憑熊守每憐

諸女賢與壻來為壽上去至南康嫁妹事箕箒不畏揚  
澗險不為廬峰秀二君情義著我送何須酒

新開墳路

古徑約城斜鋤荒可過車直穿深篠去不比繞村賒伐  
樹侵籬脚埤塍掘澗沙欲為蘭若處松栢屬吾家

送鄒秀才游浙

鞍傍帶劒魚皮鞘馬後携童越葛衫度水緣山君底急  
區區為答古千巖



四月三日張十遺牡丹二朶

已過穀雨十六日猶見牡丹開淺紅曾不爭先及春早  
能陪芍藥到薰風

依韻和唐彥猷華亭十詠

顧亭林

顧亭林湖在東南三十五里湖  
南又有顧亭林傳是顧野王居

鄉林空林木不見古人  
居猶尋古人迹更與古人疎  
昔為賢豪里今作魑魅墟  
湖邊夜夜月光彩波上餘

寒穴

金山有寒穴  
出泉甘清

山頭寒泉穴淨若鏡面平熨齒敲冰冷貯餅微玉聲傍  
有野鹿跡上啼林鳥清何由一往挹况復方病醒

吳王獵場

在華亭谷東今其地為桑陸

孫氏有吳國四海未息戈獵以耀威武平野萬騎羅英  
雄魏與蜀貔虎一何多世事異莫究但見桑麻坡

柘湖

在南七十里吳越春秋海鹽縣淪沒為柘湖吳地記秦時有女子入湖為神今存其祠

柘土久陷沒千歲嗟水濱不復吳鹽邑空有秦女神浩  
蕩吞海日曠闊迷天津扁舟誰能往日暮逢漁人

秦始皇馳道

在崑山南四里有大闕通吳城

秦帝觀滄海勞人何得脩石橋虹霓斷馳道鹿麋遊車轍久已沒馬迹亦無留驪山寶衣盡萬古空冢丘

陸瑁養魚池

在縣西今名瑁湖云陸瑁所居也

來觀瑁湖水乃是陸生居春塘草幾變誰膾此中魚莫容科斗應亦有魯王餘不隨蛟龍飛神鼈未可除

華亭谷

在縣紘三百里入松江

斷岸三百里縈帶松江流深非桃花源自有漁者舟閒

意見水鳥日共泛觥籌何當騎鯨魚一去幾千秋

陸機宅

華亭谷水東有崑山即其宅機詩云髣髴谷陽水卷戀崑山陰

我思陸平原廢宅荒草深才高乃速禍事往不可箴饑  
鳥噪樹顛野鼠窟庭陰黃耳亦已死家書無復尋

崑山

華亭谷東二里有崑山陸機祖葬而生機雲人以崑山出玉以擬其美焉

陸氏幾世祖葬此生令名猶如產美璞遂爾傳嘉聲寒  
巖畜奇秀源水日東傾何言千載間二子不更生

三女岡

在東南八十里云是吳王葬女為三岡

吳王葬三女因留此岡名已化被粲質合有蘭蕙生嬋  
娟夜月照掩藹朝霧平古魂如未泯不遠闔閭城

李獻甫於南海魏侍郎得椰子見遺

魏公番禺歸逢子蕪江口贈以越王頭還同月支首割  
解為飲器津漿若美酒我獨愧先生饌致崇師友應知  
愈饑渴况是懷思久

齊民要術云其  
俗為之越王頭

時魚

四月時魚連浪花漁舟出沒浪為家甘肥不入罟師口

一把銅錢趁槩牙

烏賊魚

黃馬二君餉

海若有醜魚烏圖有烏賊腹膏為飯囊鬲胃貯飲墨出  
沒上下波厭飫吳越食爛腸夾雕蚶隨貢入中國中國  
捨肥羊啗此亦不惑

依韻和行之枇杷

予送紅梅與之

五月枇杷黃似橘誰思荔枝同此時嘉名已著上林賦  
却恨紅梅未有詩

送紅梅行之有詩依其韻和

綴綴紅梅肥似蠟  
濛濛飛雨灑如脂  
吳郎齒軟食不得  
翻憶張公大谷梨

送王宗望罷宣城尉歸京

南土梅已黃  
北人舟競發  
去意方若渴  
望林殊未歇  
言歸向梁宋  
獨歎滯楚越  
行聞拜卿屬  
恩下蒼龍闕

寄題南陵息亭菴

竹裏有清館  
池中多藕花  
日光穿岸脚  
水影射簷牙  
柱

穴蜂歸響爐檀火過窠已知民訟息漉酒費巾紗

讀問月

我讀李白問月詩乃知白也心太癡明月在上爾在下  
月行豈獨君相隨白兔搗藥亦何療嫦娥孤棲欲嫁誰  
古人今人被磨滅休問有來都幾時唯有長照金樽裏  
此言萬世不可移但能自醉月自落夜夜如此誰復疑  
一月二十二三日半是風雨相乖離常願晴明對以飲  
耳邊流水勝鳴絲



五月十日雨中飲

梅天下梅雨綏綏如亂絲梅生獨抱愁四顧無與期妻  
孥解我意草草陳酒卮檻外百竿竹新筍高過之竹色  
入我酒變作青瑠璃一飲眼光再飲言語遲三飲頽  
然兀左右歎我衰有鳥從東來引頭闔深枝發聲醒我  
醉提壺美無疑典衣不直錢唯是布與絺安得如古人  
車傍挂鷓鴣夷

次韻和吳季野游山寺登望文脊山

山屬宣城

楚客好山水五月上高峰峰頂望文脊草樹皆有容身  
既近猿鳥心欲追喬松石壁出雲背苔磴千萬重下視  
霹靂飛忽起枯株龍却還僧居宿暮踐樵子蹤作詩留  
粉牆削藁為我封美璞世未識獨令和氏逢

宛陵集卷四十四

欽定四庫全書薈要卷一萬四千四百八十五

集部

宛陵集卷四十五

宋 梅堯臣 撰

五月十七日四鼓夢與孺人在宮庭謝恩至尊令  
小黃門宣諭曰今日社與卿喜此佳辰便可作詩  
進來枕上口占

同謁未央殿共霑明主恩  
晃旒親日月蹈舞荷乾坤  
龍尾三重峻螭頭幾級尊  
德音欣社日撫語走黃門  
陰會

皆如實陽開不復存空餘破窗月流影到牀根

依韻和吳李野題岳上人澄心亭

空山舊逕綠苔滿古寺齋盂白薤蒸暑雨坐中飛漠漠  
野泉林外落層層從來勝絕皆離俗未有幽深不屬僧  
唯愛溪頭一尋水莫聞流浪莫聞澄

次韻和馬都官宛溪浮橋

在昔當陽侯建橋臨大川洪波不為阻馳道南北連何  
此小溪上擬象坦且平馬頭分朱欄水底栽碧天白雨

緊大竿斷虹生橫舡游魚不可見車騎久臨淵

寄隱靜山懷賢長老

山有枇杷樹樹多獼猴羣高僧心不着一似五峰雲隨  
颺來溪口石上起氤氲果熟獼猴去自向瀑澗分

次韻和馬都官苦熱

日光亭午時赫若鎔黃金鳴鳶不生風流雲不成陰赤  
地有焦土烈野無沃霖涸潭深幽幽枯嶽高岑岑火龍  
將焚鬣陽烏多渴心肌膚非木石絺綌煩衣襟永盤不

可見空對瓊玖吟

歷陽過杜挺之遂約同入汴

滄海瀉玉自天外牛斗傍邊客正迴人說維摩居士病  
我同王子雪舟來汀沙沮如潮新落山日瞳矇霧始開  
去約河隄春柳動與君吹紫步徘徊

和胡公疎送嶼師移居寶光寺

宋日天王寺梁時太子園地猶隨世變物豈與人存欲  
問移居意還因避俗喧相期唯有月夜夜在高原

胡公疎示祖擇之盧氏石詩和之

盧肇家

素州太守蓬山客來過盧家尋怪石盧家百物今已空  
唯石難移留舊蹟埋沒尚存三四分雨淋日炙如皴皴  
太守惻然呼健兒荷鋤秉鍤爭來役健兒掘土不為堅  
旋旋剗沙見圭隙漸奇漸異人忘勞更索更深知幾尺  
瘦峰削出嵩華骨虛竅鑿破蛟螭額千指曳繩車四輪  
擊鼓助力歸東陌東陌東頭湖水傍黃泥洗盡何蒼碧  
故宅愈冷東湖喧貴賤競觀無礙隔太守自憐堅直心



愛少憎多屢遭謫南至蒼梧及桂林名山徧訪無窮僻  
所宜厭慣不入眼向此歌吟尤愛惜我思永叔滁陽時  
大誇古翠菱溪獲作詩遠寄予與蘇高唱相隨無節拍  
今知賢人趣向同玩好託情忘俗格建康從事胡公疎  
一見詫君如李白雄才落筆瀉天河綴韻孤清仍險窄  
入探虎穴誰為難辭通造化方能敵殿後吾雖膽力強  
獨鞭疲馬終無益

逢曾子固

前出秦淮來船尾偶攬鷺遽傳曾子固願欲一相見順  
風吹長帆舉手但慕羨揚子東園頭下馬情眷眷昔始  
知子文今始識子面吐辭亦何嚴白晝忽飛霰我病不  
飲酒烹茶又非善冷坐對寒流蕭然未知倦

真州東園

國賦有常計計者豈不賢日夜疲精神自鑒膏火前新  
春力有餘鋤荒東乳偏壘土以起榭掘沼以秋蓮竹栢  
為冬榮桃李為春妍役役吳楚艘來泊常留連下江忘

其險入漕忘其遘許公作此意吾亦見其權不獨利於  
已願書棠樹篇

行吟二首

持轡趨代北妄意希名馬代北馬如雲由來重取舍王  
官待才能高下不苟且行都未脩飾黃金誰變瓦吾當  
保吾真甘歸事田野

冥蟻橘林下正在結實時附緣與出入安可責於斯養  
大不問細使遠不問遲遠遲必有報細大必有期休哉

蔡龍氏終自辨蛟螭

僧子思以卷來見

明珠與翡翠中國反好之詩書出鄒魯誦學無蠻夷服  
彼而習此養驛安問犁古者耕釣士處心殊處卑譬彼  
乃可語吾病強扶持

依韻和揚州許待制竹拄杖

楚竹翦霜叢何慙漢使筇鳩形殊用刻馬箠不同功挺  
特生難變支離分已窮輕肥思比鶴短髮任如蓬倚以

為高趣持之見素風步郊聊實下行樂偶從東屢刺莓  
苔破深穿苑圃通辨繁時畫地默意或書空古血有湘  
跡舊林無阮蹤將渠誰覺老要此豈關慵莫駭傾巢鳥  
須虞蠹穴蟲誰能求道術跨作上天龍

遇畫工來嵩

朝來又入揚州郭千萬中人識者誰唯有來嵩曾畫我  
依稀見似昔年時

省符上人

春秋一萬八千字不間吳人楚人事佛衣儒談世已罕  
節行又與其徒異往來揚州三十年曾見華堂荆棘地  
獨聞依舊坐焚香尚把殘編討遺意

沈學士景休知真州

太守旛旗近國門州民迎望若雲屯家風自有東陽詠  
主道新移北海罇紅錦臂鞬觀粉質塗金珂勒駕朱軒  
他時儻取春秋對莫以周襄出鄭論

送杜君懿屯田通判宣州

京兆外郎稱善書當時相與集江都日書藤紙爭持去  
長鉤細畫如珊瑚自茲乖隔三十載始駕吾鄉別乘車  
吾鄉素誇紫毫筆因我又加蒼鼠鬚最先賞愛杜丞相  
中間喜用蔡君謨爾後倣傳無限數州符縣板仍抹塗  
鼠雖可殺不易得猫口奪之煩叱驅若君字大筆亦大  
穿墉瑣質無長覘君到官治事餘呼諸葛試問渠

張聖民學士出御書并法帖共閱之

又一軸蘇子美書杜懿病

馬

冰膠楚舸歲將窮廣陵別乘憐老翁殷勤來邀強一往  
虛堂肴酒羅甘豐我病胃寒不下咽七筋謾舉叨席中  
主人欲客心意歡出以飛帛騰龍鸞刑政二字布楷法  
古今書帖未足觀坐間杜子好弄筆詆譏前輩無全完  
一見寶蹤天下妙稽首贊仰舌吻乾如此別識已太險  
我不頌詠還應難

讀黃莘秘校卷

嵇康昔彈廣陵散商聲高與宮聲緩託名山鬼未傳人



古桐紉絲絲不斷一聞彊卧竊其音世間雖得能亦罕  
賢明以之知盛衰愚昧以之為妄誕頃年過我在蕪城  
忽聽長拍去欲懶鳳凰養雛飛未高雞鷺成羣翅終短  
龍章秀骨苦輕時繼作五絃須欸欸

贈許待制歲旦生旦

天歷重更端哲人茲命世嘗聞月旦評況是高陽裔椒  
花作壽杯爆火通鑪桂穹龜及蒼鶴尚以千年係曰惟  
五行秀復與明時契他日求老成不須從渭汭

答宣閔司理

司理義趣深傳訓或得失後人語雖淺辨識猶百一歐  
陽最知我初時且尚室比以為橄欖迴甘始稱逆老於  
文學人尚不即究悉宜乎與世士橫爾遭詬唧誓將默  
無言負暄方抱膝非非孰是是都莫答問詰歲暮宣叅  
軍辭如鮑昭逸粲然傾明珠褒我頗過實便言楚江萍  
光彩倂旭日自慙流浪蹤不得蒿芹匹復為苦硬句酬  
報強把筆

答鷺湖長老紹元示太玄圖

鷺湖有鷺吾不問鷺湖無鷺吾不疑道士須換黃庭經  
釋子自明太玄辭噫嘻兮此意迥與山陰別我亦曾非  
逸少為

新韻曾子進早春

新雷歲旦發聲嚴水管寒銷細滴簷花甲將看枝上拆  
蛇鱗不復地中潛黃河分派來應早白首歸朝意自恬  
強欲擬君為秀句便無才思似江淹

依韻和馬都官齊少卿酬和

同時沈宋稱二豪曾說龍門奪錦袍我對前流接清唱  
泰山輕重於鴻毛

贈江寧王高士

自古江南風俗美喜君高趣慕先賢藥無遠近寧論報  
家有圖書不計錢已住秦淮借風月遍尋吳國舊山川  
塵纓我繫未能解每一來過駐畫船

答蕭淵少府卷

君先大人臨終時夢中嘗賦曉寒歌騎龍跨魚不是誕  
直對上帝傳吟哦才如李賀天亦少宜其在世尤難多  
文章父子不相似君今平易祖襲那銅鐵錦褰各有用  
高下安得與等科大都精意與俗近筆力驅駕能逶迤  
野雉五色且非鳳知時善鳴雞若何

答孫直言都官卷

具深相割啗不如無勇人以詩而酬詩徒用多少均我  
言雖至簡意切誰見親汲井欲到深磨鑑欲盡塵寒泉

與青銅光潔靡故新臨觴報嘉貺醉語是天真

依韻王司封寶臣答卷

王家再見仲宣詩魚目盈車換斗璣自愧不從靈蚌吐  
誰教相並夜蟾飛暫增光價千金重終覺枯陳一芥微  
已屈至珍來彈雀恩虵銜報此能希

高士王君歸建業

風雨起春寒乘潮曉帆送目看瓜步雲心近茅家洞忽  
覺柳已青來時枝尚凍羨爾向江南正開新釀甕

呂寺丞家膳

春雨薄無泥野苗青入俎深堂開畫圖飛鳥驚寒渚名  
筆今寂寥嘉賓競推許主人何太勤不異具雞黍

趙秘校見訪

文學儒家子儒本通天人蠅蚋尚先喜吾黨何迷津津  
亭一相過不笑復不頤應此識恬泊曾匪慢爾賓

答張令卷

嘗聞甥似舅似舅詩尤少古意得河源新聲變春鳥讀

之不敢倦十未能一曉顛倒文字間使吾心擾擾

依韻答泰州王道粹學士見寄

君同黃鵠游海嶠我學白雲歸帝鄉已愛健翅自鼓舞  
誰憐孤影猶飄揚安得相從在霄漢于今留滯嗟繫韁  
欲隨輕風挹君袂滿野春雨生迷茫

依韻和孫浦二都官展墓由大明精舍而歸

新松煙翠入衣巾雨後岡原不起塵霜露悲懷今正切  
曾非結客去尋春



拜寵忽生寒食心應緣春入感啼禽淚沾宿草根仍凍  
馬立荒沙跡已深野老輟耕風料峭山房開晝日陰森  
歸鞍却望原頭路幕歷輕煙物景沈

張聖民席上聽張令彈琴

一聽履霜霜滿足再聽綠水聲緣谷我行日月闕春波  
嫩苔沙雨侵魚目漁歌晚唱泛水來天浸滄浪光可掬  
坐中此意自絃生中郎五弄人難熟人知難熟獨善彈  
彈拍未終脂駕速鄭衛古來多喜聞卒章為我歌淇澳

時聖民赴齋  
少卿家會

走筆送王琪

江南二月草青青  
送子歸時已滿汀  
誰信而今有忠義  
祇知七日哭秦庭

宣司理餉蒸鷺

昔年相國籠之贈  
今日叅軍餉以蒸  
一咀肥甘酬短句  
定應無復謗言興

宛陵集卷四十五

謹案卷四十二第八頁後一行漆俎銅盤顛牲血  
刊本漆訛漾又琵琶嘈嘈神降言刊本琵琶訛瑟  
並據宋詩鈔改

卷四十三第九頁後六行垓下圍歌合刊本垓訛  
垓據史記改

--	--	--	--	--	--	--	--	--



總校官庶吉士臣張能照

校對官庶吉士臣戴心亨

謄錄舉人臣孫演

謄錄舉人臣陳紹貴

欽定四庫全書薈要

集部

宛陵集卷四十九

六至

詳校官助教臣常循



欽定四庫全書薈要卷一萬四千四百八十六

集部

宛陵集卷四十六

宋 梅堯臣 撰

依韻和許待制春雪



犯陽和寒階覆短莎條牙摧不展鳥舌噤應多變

令已為失易消如未苛桃花禹門水早晚見通波

送廣西提刑潘比部

伯恭

白麻新拜大丞相黃紙首除南省郎欲使平刑安遠俗



莫辭乘傳歷炎荒桂林地險通椎髻陽朔峰奇削劍鉞  
自有王門舊勲業且須稀作上書囊

大明寺平山堂

陸羽烹茶處為堂備宴娛岡形來自蜀山色去連吳毫  
髮開明鏡陰晴改畫圖翰林能憶否此景大梁無

依韻和王平甫見寄

尊王興霸國古莫重齊桓仲尼書大法亦莫重更端文  
章革浮澆近世無如韓健筆走霹靂龍蛇奮潛蟠颺風

何端倪鼓蕩巨浸濶明珠及百怪容畜知曠寬其後漸  
衰微餘襲猶未彈我朝三四公合力興憤歎幸時構明  
堂願為櫨與欒期琢宗廟器願備次玉珥謝公唱西都  
予預歐尹觀乃復元和盛一變誰為難行將三十載衣  
被劇織紉後生喜成功往往舞朱干君家兄弟賢挺拔  
尤堅完譬彼登泰山孰辨雲徑盤忽在高高巔兩腋猶  
抑翰我久知子名曾未接子驩前者和君詩薄言慙兒  
肝淮南喜子來袖刺字未漫明日聞渡江留書特相安

今又獲嘉辭至味非鹹酸

依韻和丁元珍見寄

我從江南來挂席江上正輕舟自行速不與風力競乃  
省少時學強勉無佳興初如弄機杼未解布絲經利器  
昧其持或反授人柄及親賢豪游所尚志已定不厭朝  
市喧不須山林靜不為煦煦妍不為嚴嚴冰遇物理自  
暢區處劇操令仍類楚野筠忽從孤根迸便成翠琅玕  
久與風霜硬雖然達吾真誰復究畢竟世間忘坦途盡

欲求密徑哂我是

闕

踈宜乎今蹭蹬蹭蹬誠可嗟所偶

亦已併晚逢二三友喜飲恨多病道路何遑迴季秋越  
春孟平生景慕者邂逅出天幸接迹猶謂榮況此聲顏  
並實慙寡時用又顧無奇行愛之不忍去自旦還至暝  
在昔濁世賢徒知清酒聖但用醉為娛一老少不更稍  
思桃源人翩爾乘漁艇尋花逐水往豈念衰與盛歌謳  
非俗情山響自答應以此謝君勤微言期略聽衮衮不  
足為試共幽人評

泰州王學士寄車螯蛤蜊

車螯與月蛤寄自海陵郡謂我抱餘醒江都多美醞老  
來飲不滿一醉已闕分甘鮮雖所嗜易飫亦莫問嬌女  
巧收殼燕脂合眉暈貧奩無金玉狼藉生恚忿妻孥喜  
食之婢妾困埽併行將至京華耳目飽塵坌此味爽口  
難書為厭者訓

張聖民席上賦紅梅

吾家有嘉樹紅葉開朝霧笑杏少清香鄙梅多俗趣江

都別乘居似見句溪圃坐中勿苦疑結子看春暮

平山堂雜言

蕪城之北大明寺闢堂高爽趣廣而意麗歐陽公經始  
曰平山山之迤邐蒼翠隔大江天清日明了見峰嶺  
已勝謝眺齷齪遠視於一窗亦笑煬帝造樓摘星放螢  
火錦帆落檣旗建杠我今乃來偶同二三友得句欲霜  
鐘撞却思公之文字世莫雙舉酒一使長咽慢肌高揭  
鼓笛腔萬古有作心胸降

自感二首

左目忽昏花愁心亂劇麻文書都莫見藥物近憑他  
眸子終何似形軀且願嘉唯期一開泰再望日中鴉

我不嫌髭白白髭何自落雖然失醜衰將恐日踈薄有  
生無不老歲月看秋籜一身憂已大毫髮誰能度

二十月

八日

依韻和孫都官河上寫望

河上風煙愛此邦吳艘越舸不相降魚鯉矗矗橋邊市

花暗深深竹裏窗  
蹴踘漸知寒食近  
鞦韆將立小鬟雙  
年光取次須偷賞  
何用功名節與幢

依韻和試筆偶書

洗硯開書几  
拈毫喜子巢  
不爲微物撓  
自向小欄敲  
已逐游絲末  
還緣翠葉梢  
因知生理大  
不必在重爻

和張民朝謁建隆寺二次用寫望試筆韻二首

荒臺殘壘舊名邦  
曾說王師此受降  
西漢衣冠拜原廟  
五天龍象護經窗  
蜀岡井味人猶品  
隋帝宮基闕尚雙



自古興亡不須問風鈴閒聽響幡幢

躍馬侵星去啼鴉未出巢春寒風易裂從騎鎗相敲紅  
日雙行柳黃金一抹梢乾坤功力大默誦易中文

依韻和許待制後園宴賓

春來無處不幽芳誰復樽前歎異鄉繞榻綺羅觀舊艷  
傍池桃杏照新粧柳條拂拂牽絲嫩藥粉輕輕落酒香  
聞道主公偏愛客翻思當日醉莎場

宛丘城頭有莎場  
臨淄公每飲於其

問

依韻和許待制偶書

曉雨射船珠瀉盤平明水上舞英殘  
鬪雞蹠惡輕泥濕調馬蹄翻軟土乾  
深屋鷺巢將欲補密房蠶蟻尚憂寒  
為言楚客甘蔬蕪白芷香牙長嫩珊

閨思

望日赤如橘游梁音信稀愁心常似醉  
春絮等閒飛江鰕看將爛芹牙吐尚微  
何時憑鷺子寄取錦書歸

代書寄王道粹學士

已具扁舟訪使君忽逢春雨起淮濱  
花寒蛺蝶猶相守  
水冷鴛鴦不暫分  
况約他時來寄蹟  
何須今日去論文  
解裝無復山陰興  
且對荆釵與布裙

依韻和許待制病起偶書

桐柳陰陰翠色叅  
幔房深邃靜於巖  
疾疑不是因蛇影  
方秘曾傳白玉函  
煉蜜有時蜂競至  
墜糝無數蟻來銜  
女奚困觸屏風響  
林鳥饑尋蠹木鵲  
趨吏喜聞開便問  
舞姬排比翦春衫  
嘉賓入幙金樽抹  
賀客衝風席帽攬

談出古人非騁辨詩陳王化不言讒提綱勿用銖銖較  
列局緣從物物監龍腦篆香盤屈曲虎頭雕枕剔空嵌  
年踰五十惟耽易能格神明莫若誠

依韻和新栽竹

斲破煙叢帶筍移映軒臨檻特為宜龍孫已見多奇節  
鳳實新生入翠枝不向阮家林下集還思渭北水邊窺  
一花一草公休詠慣作蘭臺侍從詩

依韻和戲題

揚州太守重交情我欲西歸未得行  
寒食尚賒花水近  
妻孥煎去到天明

依韻和春日偶書

甕面春醅壓嫩藍  
盤中鶯肉亦肥甘  
正宜醉夢輕為蝶  
苦怕酬詩密似蠶  
病起羊公方隱几  
歸來陶令只乘籃  
河隄古木欣欣暗  
野水新秧拍拍渰  
已向官資隨分足  
莫將忠憤等閒談  
況於世上諸般厭  
不作人間一例貪  
陋巷自知當退縮  
擁門誰解更趨參  
高低趣向難為合

冷暖情懷固飽諳  
勉意妻兒猶苟祿  
強顏冠冕未抽簪  
唯公恩遇留連久  
頻對樽罍也負慙

依韻和禁煙近事之什

狂風暴雨已頻過  
近水棠梨着未多  
窈窕踏歌相把袂  
輕浮賭勝各飛壻  
閒牽白日游絲颺  
細薦黃金舞帶拖  
小苑芳菲花鬪藥  
華堂嘲哂燕爭窠  
西州駿馬頭如刺  
南國佳人頸似瑳  
結客追隨傾畫榼  
分明游樂藉青莎  
鞦韆競打遺鈿翠  
芍藥將開翦纈羅  
我病乞求新火灸

無心更聽竹枝歌

依韻和春日見示

春雨懶從年少狂一生憔悴為詩忙不能屑屑隨時輩  
亦恥區區憶故鄉白玉笛聲親府席六么花拍動衣香  
龍咽嘹唳留行月鳳翼趨蹌巧定場粉色酒容歡四座  
花光燭影照西墻虛榮浪貴知多少安得如君展肺腸  
依韻和偶書相留

在昔有言無不讎故於嘉詠豈宜休出奇吳國將能戰

探隱漢宮人戲闌吹笛夢來猶記曲愛歌老去未忘謳  
車中變服為秦客頭上南冠學楚囚日永歡呼遺搏齒  
夜深談論廢更籌海陵已有從游約今欲西歸且榜舟  
讀邵不疑學士詩卷杜挺之忽來因出示之且伏  
高致輒書一時之語以奉呈

作詩無古今唯造平淡難譬身有兩目瞭然瞻視端邵  
南有遺風源流應未殫所得六十章小大珠落盤光彩  
若明月射我枕席寒含香視草郎下馬一借觀既觀坐



長歎復想李杜韓願執戈與戟生死事將壇

送寧鄉令張沆

長沙過洞庭水泊風搖石青山接夷蠻白晝鳴鴉鷄竹  
存帝女啼夔學林雍鑿不嫌卑濕往教令民須聽

依許待制送行詩韻詠鷺以寄

江鷺銜泥日深堂拂玉琴不教闌閣戶乃見主人心掠  
水飛殊捷迎風去已禁短書猶可記聊影託微吟

依韻和酬邵不疑見答

君才若巨賈既富仍深藏遂兼碌碌貧共處安可量滔  
滔大澤陂渺漫入幽荒徒欲窮端倪憑高何相望一日  
以文繡被此糞土墻門徒三千人起予惟卜商薄言昧  
織悉懷憂思萱忘美璞委雕琢以未知我詳但念故時  
朋所樂來遠方慎勿以名使取敗非相當

贈張伯益

張伯益風義自足常遊遨醉彈琵琶聲嘈嘈雷車急輓  
蛟龍號曲終放撥解紫絛勇氣索筆作小篆李斯復出

秦碑高不數宣王石鼓文快健欲敵橫磨刀弈棋絲桐  
且置之衆善多取精神勞

依韻和邵不疑以雨止烹茶觀畫聽琴之會

彈琴閱古畫煮茗仍有期一夕風雨來目喜農畝滋中  
河不阻澀舟楫亦所宜况聞新疾愈當與嗜好睽何須  
顧小約豈不有他時淡泊全精神老氏吾將師幸因答  
來章敢不以此咨此咨有深理願君勤且思

依韻和不疑寄杜挺之以病雨止冷淘會

邵杜二良守相逢欲霑醉促膝一開顏  
衮衮言有味或歎季路宜或語伯夷是各懷忠義心要終豈同異我實踈賤軀政治未使試預茲高古談懦志生勇氣明當饌湯餅疾雨晦天地一日不見君何止如三歲口腹尚乖期榮華可推類嗟嗟勿復問安恬固無媿

獨酌偶作

東路歸梁懶黃流下汴深眼穿南去翼耳冷北來音風雨昏斜日乾坤入醉吟不憂貧且老自有伯鸞心

答杜挺之遺鰲魚乾

百年蠹柳根半浮揭屋顛風吹欲倒寸步泥深登岸難  
鰲乾助飲隣船老

宛陵集卷四十六

欽定四庫全書薈要卷一萬四千四百八十七

集部

宛陵集卷四十七

宋 梅堯臣 撰

觀邵不疑學士所藏名書古畫

野性好書畫無力能自致每遇高趣人常許出以視邵

侯多奇玩留我特開筭首觀阮與杜驢上瞑目醉

阮籍  
杜甫

韓幹貌四馬臨流解鞍轡花驄照夜白正側各畜意繫

衣穿袴靴坐立皆廐吏精神宛如生于腮復穿鼻梅雞

徐熙花竹間寒雀睡逸少自寫真對鏡絕相類數本失  
姓名古胡并老驥山水樹石硬荆關藝能至

荆浩  
闕全

巨然

李成者落筆愈奇異人物張僧繇雖傳恐非是其餘又  
莫究模搭似未備周秦已來書行草楷篆隸聲名舊烜  
赫一一果可喜邵侯愛我曹咸使紙尾記况侯有古學  
小字刻珉翠各贈墨本歸懷寶誰肯忌

先至山陽懷杜挺之

與君同川途舟發偶後先順風吹我帆已過飛鳥前寄

聲託飛鳥微意或可傳定逢檣上烏暫向彼留連薄暮  
楚城下踟躕問來船

絕句五首

風過已午未肯止酒病嬰我心無慘船頭拍翅野鴨浴  
水上擺子獐魚跳

岸邊稚子戲把釣蚯蚓作餌青條長上去下來船不定  
自飛自語燕爭忙

夜欲三更饑鼠鬪燈殘一點小星紅村邊坎坎賽神鼓



船底舐舐駕浪風

葑田青灰博奕局  
島樹墨楹煙雨圖  
已去揚州百餘里  
回頭還隔幾重湖

蝦蟇豪沫為科斗  
螺贏銜蟲化細腰  
蠹穴荒陂有多少  
乾風濕雨各飛跳

淮南轉運李學士君錫示卷

李氏世能詩  
落落為時豪  
漢陵唐太白  
始競二雅高  
益端正封賀才  
各傾吳濤于  
今幾代孫  
手持切玉刀  
功利

既及民又將薄風騷示我照乘珠光彩生褐袍曾非貧  
家有懷歸徒增勞神物必難秘恐隨風雨逃

觀王氏書

先觀雍姬舞六么妍葩發艷春風搖舞罷英英書大字  
玉指握管濃雲飄風馳雨驟起變怪文鯨畫飛明珠跳  
席客聚立驚且歎筆何勁健人柔天昔時裴旻能劍舞  
丹青助氣精神超藝雖不同意有會世事相假非一朝  
書二客論呈李君錫學士

我慕杜挺之磊落高世談又愛王平甫才雄天馬駢二  
人相議評最重李淮南踈跼文館彥委曲部政諳能蘇  
煮海民變使供租甘雖持使者權不作自裹蠶諄諄無  
威傲雍雍激廉貪書戒易滿人縱愚須起慙始時邊海  
鹽亭民常  
官逋其錢往往給腐米為直弃之而去浸久亭民無本  
多逃者今俾中戶就邑納租給亭民民乃大利逃者復  
還

留別李君錫學士

淮南尚喜風流在客有殷勤載酒過不醉不歸情可見

相看相笑意如何  
瞭眸自解持高論  
長頸稀逢缺善歌  
舊愛陽關亦休唱  
西還從此故人多

過山陽水陸院智洪上人房

有蘇子  
美墨蹟

十載七來此  
每嗟多異今  
池灰休辨劫  
川月解明心  
遺墨悲蘇倩  
高情想遁林  
能閒常似舊  
翹立水邊禽

淮陰侯

功既高天下  
身何不自防  
已能成漢業  
無復假齊王  
復恥噲為伍  
安知呂所忘  
空名流未竭  
淮水共湯湯

閏三月八日淮上遇風杜挺之先至洪澤遣人來迎

曉出淮口時夜來風已止半路逢怒濤客心愁欲死忠  
信雖可仗魚鼈將異此但暮前行舟漸入孤汊裏猶能  
有餘力遣助良可喜

宿洪澤

舟子起添纜夜潮同雨來寒聲相亂急遠夢自然迴水  
鳥鳴還睡風燈暗復開宦游常作客未息為貧催

泗州郡圃四照堂

官艫客舫滿淮汴車馳馬驟無閒時  
豈有餘力事棟宇  
後園荒草長離離朱侯下車百職舉  
亦治宴豆頻遊嬉  
梁冠爵弁各得禮道路溢譽無高卑  
因隙作堂名四照  
虛光轉納娥與羲面面懸窗夾花藥  
春英秋蘂冬竹枝  
射墉寬濶習武事鏡沼清淺吹文漪  
侯之此意寧自樂  
夷情勞士俱忘疲後來出口勤灑掃  
莫作廐埽生蒿藜  
泗守朱表臣都官初北園

樹藝北壕上直對高城陰使君朱輪來歌管樽酒深風  
雷生淮雨雲物冒楚岑戰舳習追逐飛凌捷水禽不獨  
耳目觀乃見預禦心事閑賓從樂景美臺榭臨令人忘  
羈旅灑慮起微吟

依韻和誠之淮上相遇

一別逋翁久不逢亦知諸葛卧隆中幾年三致千金富  
今日重追二謝風形槁已能同散木鬢霜從聽着寒蓬  
飛光入酒舊時月來照狂歌猶未窮

泗州觀唐氏書

唐氏能書十載聞誰教精絕向紅裙百金買書蒲葵扇  
不必更求王右軍

同朱表臣及諸君游樊氏園

五年前上去乃從許公過舊物此君在後生新筍多朱  
櫻繁且熟黃鳥啄仍歌一一如當日乘高柰興何

七里灣得朱表臣寄千葉樓子髻子芍藥

誰稱為近侍宜與牡丹尊霞綵千千葉香撩黯黯魂紅



樓思俠少寶髻奉王孫賸插不堪照顏哀汴水渾

併日得朱表臣酪及櫻桃

昨日酪將熟今朝櫻可餐紫莼休定價黃鳥未新殘甘  
滑已相美齒牙仍尚完應知消客熱遠贈盞盈盤

阻淺挺之平甫來飲

泛淮忌水大我行浩以漫汴汴忌水淺我行幾以乾偶  
與困滯并將獨為此難窮堤有來客芬芳可與言共休  
緣榆陰置酒聊慰安主人雖倉卒猶得具甘酸酸清楚

梅青甘摘夏櫻丹引觴吞日光耳熱不復歎俛仰已陳  
迹未可忘茲歡誰思費生術幻惑寧盤桓

依韻和表臣奎野亭

淮光抱城去山翠落樽前魯叟欲浮海楚人休問天野  
雲將拂幔水鳥不驚船歷覽誰能賦今聞太守賢

依韻和表臣先春亭

雜花紅間白遠樹短叅長天近春歸疾城高地易涼千  
尋浮遠水五兩動連檣置酒未終樂山煙生暝隍

和表臣河南庾署西軒

飛鳥欲下蟾生時斜光冷魄常相隨  
右山左水清洗目  
虛簷曲檻生揚眉白魚甘肥網可得  
公酒美滑盃可持  
臨淮使君有閒佚長橋直度來莫遲

依韻和表臣見贈

中間會與別不啻二十年向來君之官  
我必贈以篇今  
過臨淮郡惠好情聯聯訪我車騎都  
宴我鶯花然此當  
舟航衝旅泊逾百千迂高而撫下酒  
壺櫃食連使予一

日為立可見華顛遽行恐勞君數里不得前三月汴水  
淺蹇滯無我先君乃遺我詩盛稱我為賢比之少陵豪  
望我何太全又令入時用目堪事高眠安能事孔聖終  
學美周宣勤答以明懷矢辭敢欺天

依韻和表臣聞與挺之宣叔平甫飲

舟淺不能進反羨車馬馳同行各在野有酒相與期堤  
上聞禽處桑間落日時使君羊笋贈更飲更追隨

本臣是日

送蒸羊  
笋束

表臣惠蜀箋偕玉硯池

蜀箋珉硯池為贈知雅故慙無右軍書亦乏左思賦環  
水象辟雍紋花如織素願傳君德政況已聞行路

表臣以阻水見勉次其韻

野叟津難問賢人酒不空行吟同去國退翼欲乘風憂  
已先天下窮方坐井中予生一如此安得免衰翁

聞宣叔挺之園棊

人以棊銷日我觀棊輒寐未必盡死生何茲較愚智只

將多勝少復取生為利不若酒之賢悠然共醒醉

五倩篇

蔡方響  
琵琶

倩然五蛾眉妙曲動金絃犀椎玉鈴鈴龍撥雷鞀鞀響  
急能愈靜意閒情常專主人昔結客一醉百金捐觀濤  
來吳都遇我泗水邊夜飲向明月非同聞隣船

釋悶

呈挺之  
平甫

燕丹未歸馬未角卞子抱玉無兩脚孤城食盡兵未却  
度笮中懷挂一索我輩於此酒宜酌百歲千秋柰何樂

釋滯

帝在蒼梧妃泣竹蘇武餐毛海西曲窮山遠道車折軸  
深井渴汲綆不續我輩於此酒正綠貴無奈何歡且足  
依韻和表臣憶遊竹園山寺

山攜謝公妓竹似阮家林花發日初暖鳥啼春欲深朱  
櫻連葉摘綠酒帶醅斟猶想聞歌吹僧房未暇吟

依韻和挺之晨起見寄

時阻  
汗淺

淺水不堪泛暗灘時激聲晨都望迢遞窮旅思屏營芳

草同誰藉投壺自喚名得君晨起詠遠遠見交情

李宣叔秘丞遺川牋及粉紙二軸

蜀人擣玉屑楚客調金粉製牋君有贈草疏我無蘊宜  
書揚雄辭莫寫屈原憤誰識此意微曾非事搔吻

錢志道推官遺紗帽

遠贈烏紗帽能無白也詩山花不更插野客莫驚窺

次韻和表臣惠符離去歲重醞酒時與杜挺之李  
宣叔王平甫飲於阻水仍有笋醬之遺



贈以榴花酒沉清貴隔年不憂航滯磧為汎盞如船加  
品盈盤內無花到眼前還招李杜醉野釀莫稱賢

表臣齋中閱畫而飲

嘗觀韓幹馬人物亦如生君收四病骨無肉只崢嶸二  
匹痒磨樹二匹縱其情意思若不任千里未可行古絹  
蠹已盡彩色無精明歎惜傳至此幾人金帛輕隋時有  
名筆獨寫嚴君平猶持杖頭錢罷肆心莫營魁然中貴  
人坐榻不知名畫中有畫屏山石侔天成今時長沙叟

獼猴櫟林橫疏毛與設色前代何角爭餘存品雖高我  
未易敢評主人愈好事緘筭酒壺傾

寄送許待制知越州

喜公新拜會稽章五月平湖鏡水光菡萏花迎金板舫  
葡萄酒瀉玉壺漿雲歸秦望山頭靜雨洗若耶溪上涼  
天子不能煩侍從可將吟詠報時康

依韻和王司封離白沙途中感懷

淮南夜飛氛祲銷星躔歷歷轉隨杓黃童謾對日如月

賈誼休悲鵬似鴉市骨已知求駿馬  
輜車何用載田驕  
不惟忠憤心如此王佐才高賦小鷄

將赴表臣會呈杜挺之

莫怪去遲遲予心君亦知膝前嬌小女  
眼底寧馨兒學  
語渠渠問牽衣步步隨出門雖不遠情愛未能移

醉中和王平甫

用其韻

王瓜未赤方牽蔓李子纔青已近樽  
我最年高雜年少  
風流還有杜陵孫

將解舟走筆呈表臣

昨夜謳吟瀉春酒今朝波浪下黃河主人不暇匆匆別  
為倩流鶯寄語過

答再和

舟行纔及二三里已復淺流如凍河君有短書誰遠寄  
時因燕子拂檣過

非意篇呈表臣

人言廚傳繁乃是郡久例一日苟不脩未免衆吠聒飽

尚謗所興饑必愠不細損之禮漸隳存之禮未替心莫  
忽賤微義莫徇貴勢我將取是然敢以為君計

依韻和錢深推官見寄

無才不敢學陽秋嗜酒時能問大酋前日偶從河上飲  
文章何可並英遊

依韻答宣叔行舟相隔見寄

汴漲濺濺費挽牽輕舟難若上青天只知乘駛及先去  
不意遲留落那邊

力漕篇呈發運王司封寶臣

四言

兵外肢強兵內體壯歛之盡歸歲以多餉東南舳艫銜  
尾而上浮江浮淮汴汴之湍汴湍不常水衡不官惟虞  
溢毀靡虞舟檠舟檠糧覆糧孰為足大計之數萬百惟  
六帛幣錯貨三倍其穀曰主厥漕王之蓋臣日憂河涸  
運智煩神以舫實土約流束津百步之間若牙與齧朝  
漲夕降滯舫次鱗亟乞于朝朝不即報下上經營風并  
日曝其躬其勤秉心有操士豈無祿視此則冒彼以榮

佚此以劬耗願答其劬錫命錫誥

四月十三日唐店寄錢推官

昨夜月如水君能攜酒來破除愁悶去洗蕩肺腸開露  
氣林間落河聲地底迴相知不須早語合自無猜

徒步訪李宣叔宣叔有詩依韻答

渡河誰道去我重子雲才鴻鴈汀洲去牛羊井落來乍  
行初覺倦暫語不能該日色看看暮將歸意復徊

答高判官知唐君夜飲

露宿勤王客相從月下來黃流何日漲綠酒暫時開風  
定燈花爛天高斗柄迴醉言多脫略吾黨不須猜



宛陵集卷四十七